

in abdico; hostes enim ad certamina adigere summum
est periculū, cum necessitas stimulus ille sit, qvi hostē
ad prælia incitet; ultimum & maximum telum ipsa est,
qvæ etiam ignaviam acuit, ut ad desperationem, tanqvā
ad asylum, deniq; confugiat, & cruenta edat certamina.

(A.) Copiosam hic exemplorum messem in agro histo- ^{A.}
rico meteret licet: cum primis autem illud, inter Sci- ^{Vern. Inst. Pol.}
l. 4. c. 8.

pionem & Mandonium commissum, prælium, pul-
chrum hic offert documentū (B.) Nam et si Romani
victores cum evaserint, ex Romanis tamen, sociisq; ^{Livius.}
auxiliarib; mille ducenti circiter milites, ampli⁹ trib⁹
millibus vulneratis, periēre, ubi minus acerba victoria
extitisset, si patentiore campo, ad fugā capessendam ac-
commodatiore, fuisset pugnatū. (C.) Macedones quoq;
hoc ipsum insuper habentes, Romanos ad mare su- ^{Tacit. l. 19.}

gientes, aliquando persecuti adeò fuere, ut Romani,
dedecore ac necessitudinis telo quasi coacti, dum resi-
sterent, Macedonū fere ducentos occiderint, paremq;
numerum ceperint. (D.) Et hujus cladis nulla alia causa ^{Livius l. 9.}

fuit qvā ultimū præsidiū, scilicet necessitas; qvæ, cum
se recipere tutò ad naves prohiberentur, animos Ro-
manorum, cum desperatione de salute, cum indigna-
tione, irritavit & ad dimicandū ferventiores fecit. Fugi-
entib; itaq; hostibus viā intercludere non è re est; siqvi-
dem extrema illa, Necessitas aut Desperatio, qvum
nulli effugio rima patet, hostes rabidos, ac, ne mortem
qvidem timentes, victores tandem efficit. Raro namq;
vincuntur, qvi ad pugnandum extremā necessitudine
coguntur; sed plerumq; ipsi vincunt aut clade vincun- ^{E.}
tur magnā (E.)